



ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիի 1

№ 929-Ա

« 22 » մարտի 2016 թ.

ԵՐԵՎԱՆ ՔԱՂԱՔԻ ԱՎԱԳԱՆՈՒ 2016 ԹՎԱԳԱՆՈՒ ՄԱՐՏԻ 18-Ի Հ.502-Ա
ՈՐՈՇՄԱՆ ԿԱՏԱՐՈՒՄՆ ԱՊԱՀՈՎԵԼՈՒ ԵՎ Փ.ԲՈՒԳԱՆՂԻ ՓՈՂՈՑԻ Հ.1/3
ՀԱՍՑԵՆՈՒՄ ԳՏՆՎՈՂ ԾԵՆՔԻՑ ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ
ՏԱՐԱԾՔՆԵՐ ՏՐԱՄԱԴՐԵԼՈՒ ՄԱՍԻՆ

Երևան քաղաքի ավագանու 2016 թվականի մարտի 18-ի «Երևան քաղաքի ավագանու 2011 թվականի մայիսի 6-ի հ.232-Ա որոշման մեջ փոփոխություն կատարելու մասին» հ.502-Ա որոշմամբ, Երևան քաղաքի ավագանին տվել է իր համաձայնությունը՝ Երևան համայնքի սեփականություն հանդիսացող, Փ.Բուգանղի փողոցի հ.1/3 հասցեում գտնվող շենքի 3-րդ հարկի՝ 498.7քմ և 5-րդ հարկի՝ 74.8քմ մակերեսներով տարածքները երեք տարի ժամկետով «Հայաստանի Հանրապետության բնապահպանության նախարարության աշխատակազմ» պետական կառավարչական հիմնարկին /կենսառեսուրսների կառավարման գործակալություն/ տրամադրելու մասին:

Ղեկավարվելով «Բրավական ակտերի մասին» Հայաստանի Հանրապետության օրենքի 75-րդ հոդվածով, Հայաստանի Հանրապետության քաղաքացիական օրենսգրքի 36-րդ գլխի դրույթներով, 466-րդ և 468-րդ հոդվածներով, հիմք ընդունելով Երևան քաղաքի ավագանու 2015 թվականի դեկտեմբերի 23-ի հ.451-Ն և 2016 թվականի մարտի 18-ի հ.502-Ա որոշումները.

1. Չեղյալ ճանաչել Երևանի քաղաքապետի 2011 թվականի մայիսի 24-ի «Երևանի Փ.Բուգանղի փողոցի թիվ 1/3 հասցեում գտնվող վարչական շենքից անհատույց օգտագործման իրավունքով տարածք տրամադրելու մասին» հ.2064-Ա որոշումը:

2. Երևան համայնքի սեփականություն համարվող, Փ.Բուգանղի փողոցի հ.1/3 հասցեում գտնվող շենքի (անշարժ գույքի սեփականության /օգտագործման/ իրավունքի գրանցման 03.11.2011թ. հ.2817291 վկայական) 3-րդ հարկի՝ 498.7քմ և 5-րդ հարկի՝ 74.8քմ մակերեսներով տարածքներն անհատույց օգտագործման իրավունքով, 3 /երեք/ տարի ժամկետով տրամադրել «Հայաստանի Հանրապետության բնապահպանության նախարարության աշխատակազմ» պետական կառավարչական հիմնարկին /կենսառեսուրսների կառավարման գործակալություն/:

3. Լիազորել Երևանի քաղաքապետարանի աշխատակազմի անշարժ գույքի կառավարման վարչության պետ Արսեն Ամյանին, Երևանի քաղաքապետի անունից, ՀՀ օրենսդրությամբ սահմանված կարգով, «Հայաստանի Հանրապետության բնապահպանության նախարարության աշխատակազմ» պետական կառավարչական հիմնարկի /կենսառեսուրսների կառավարման գործակալություն/ հետ կնքել գույքի անհատույց օգտագործման պայմանագիր՝ 498.7քմ և 74.8քմ մակերեսներով տարածքների համար:

4. Ընդունել ի գիտություն, որ.

1) որոշման 3-րդ կետով նշված պայմանագիրը ենթակա է նոտարական վավերացման, իսկ դրանից ծագող իրավունքը՝ պետական գրանցման անշարժ գույքի պետական ռեգիստրի համապատասխան տարածքային ստորաբաժանումում:

Handwritten signature

2) պետական գրանցման և նոտարական վավերացման հետ կապված ծախսերը կատարվում են «Հայաստանի Հանրապետության բնապահպանության նախարարության աշխատակազմ» պետական կառավարչական հիմնարկի /կենսառեսուրսների կառավարման գործակալություն/ կողմից:

5. Մույն որոշումը կարող է վարչական կարգով բողոքարկվել Երևանի քաղաքապետին՝ դրա ուժի մեջ մտնելու օրվանից երկու ամսվա ընթացքում կամ դատական կարգով Հայաստանի Հանրապետության վարչական դատարան՝ երկամսյա ժամկետում:

6. Որոշման կատարման կազմակերպումն ու պատասխանատվությունը դնել Երևանի քաղաքապետարանի աշխատակազմի անշարժ գույքի կառավարման վարչության պետի վրա:

7. Մույն որոշման կատարման ընթացքի նկատմամբ հսկողությունն ապահովում է Երևանի քաղաքապետարանի աշխատակազմի քարտուղարը:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

